


surat popular

la'ó hamutuk



instituto ba analiza no monitor rekonstrusaun timor lorosa'e


AGRIKULTURA

**Agrikultura hanesan baze ida importante iha ema nia moris.
Iha Timor Lorosa'e ema barak hela iha foho no moris ho agrikultura.
Maibe iha dalam barak nebe ema bele uza atu dezenvolve agrikultura.**



Oinsa ita halao agrikultura iha tempu uluk?

Tempu uluk ita-nia bei alas halo kedas natar ho to'os hodi sustenta sira nia moris. Sira kuda modo tahan no buat seluk ba sira-nia familia atu han.




Sira uza katana, tahatur, ensada no aisuak, no sira hakiak karau atu uza nia forsa hodi fila rai, hodi tula ai-han no nia ten hodi halo rai bokur.

Sira la uza sasan kimiku ka husi liur. La uza osan barak maibe produsaun mos ladun barak. Sira mos sunu rai molok tempu udan, no ida ne'e estraga rai no meiu ambiente.



Oinsa ita halao agrikultura tempu agora?

Agrikultor sira halo to'os boot, kuda buat ida de'it, la kuda modo no buat seluk atu han. Ida ne'e halo sira depende atu hola sasan iha merkadu



Sira uza sasan modernu hanesan trator, adubus kimiko, fini husi liur no aimoruk kimiko atu bele produz barak liu. Buat hirak ne'e estraga meiu ambiente, rai no agrikultor sira-nia saude.





Sasan ne'e iha folin karun teb-tebes no dala barak agrikultor sira tenke empresta osan atu hola sasan ne'e. Ida ne'e halo sira sai dependente ba banku nebe'e fo empresta osan. Produsaun fa'an hotu ba kompanya boot ho folin baratu no kompanya ne'e depois fa'an karun liu ka fa'an iha liur, no agrikultor sira labele sosa

Saida mak Agrikultura Sustentavel?

Agrikultor sira servisu hamutuk no kolektivu, sira hakiak fini, respeita tempu koa hare, la uza kimiku, halo to'os ki'ik, kuda buat barak atu la depende ba produktu ida de'it, dezenvolve matenek atu uza rai diak. Tamba sira servisu hamutuk no sira buka hatene sira-nia rai, produsaun diak no barak. Sira fa'an sira-nia produsaun hamutuk, hanesan kooperativa, hodi hetan folin diak liu ba comunidade hotu.



Sistema Agrikultura Sustentavel haree ba:



Perguntas ba diskusaun

Diskute perguntas hirak ne'e hamutuk ho kolegas, vijinus, familias, mestres, chefe aldeia no ema seluk tan....



- ▶ Oinsa ita-nia sistema kuda fini iha to'os ka natar?
- ▶ Tuir ita-nia haree, sistema agrikultura saida mak diak liu ba ita no ita-nia komunidadade?
- ▶ Tuir ita-nia haree, saida mak diak liu, halo servisu mesak ka hamutuk ho komunidadade hotu?
- ▶ Saida mak problema atu uza adubu kimiku no fini husi liur?
 - ▶ Saida mak impaktu atu sunu rai?
- ▶ Saida mak ita bele halo atu proteze ita-nia meu-ambiente?
- ▶ Oinsa agrikultor sira bele sai makaas liu atu hadia sira-nia moris?